


“Museo Zona Liber” a nace y un capitulo nobo den historia di Cultura na Aruba a cuminsa



Como regalo di despedida di Free Zone den haf di Playa,

prome cu move pa Barcadera, comunidad amante di arte y cultura a haya un tremendo “treat”, esta un Museo Zona Liber.

E number ta pone futuro generacion corda riba unda 50 aña pasa Free Zone na Aruba a cuminsa y e number ta splica e contenido di e palabra arte contemporaneo.

Un di e caracteristicanan mas fuerte di arte ta cu e no conoce zona, ni frontera, ni limitacion. Arte contemporaneo, arte moderno ta liber, e ta locual cu bo mira. E artista ta expresa locual cu e tin di bisa den cua forma cu e ke, e escogencia pa interpreta e tema bou cual un exposicion ta, ta liber, free.

Diasabra anochi den Free Zone

un grupo hopi grandi di amante di arte a duna acto di presencia y a experiencia un exposicion grandi contando cu colaboracion 23 artista contemporaneo di e.o. Aruba, Sto Domingo, Martinique, Barbados, Corsou, Islas Canarias, Cuba, Haiti.

Un artista procedente di Paris, Jean Francois Boucle, tin su exposicion na Museo Archeologico.

Glenda Heyliger hunto cu un artista di Guadeloupe tin nan exposicion na Archivo Nacional. En total e “Prome Encuentro cu Bienale” ta conta cu 17 participante!

Cu e “Prome Encuentro cu Bienale” Aruba a marca su entrada den mundo di e poco paisnan cu ta organisa Bienales di Arte.

Un Bienale, mescos cu Fashion-, Jazz- y cu Film Festival ta wordo organisa pa un grupo creciente di local y di bishitante cu ke algo diferente y di calidad pa experiencia den un pais. Por a tende multiple reaccion positivo y peticion pa Gobierno,

tene cuenta den su plan di embece e area rond di waf, pa mantene e edificionan di Free Zone cu a wordo uza p’e “Prome Encuentro cu Bienale” como Museo di Arte Contemporaneo di Aruba.



Happy Birthday

Awe 23 di October 2012 e juffrouw balente di cas

JESCARAINE MADURO
ta cumpli 18 aña. E taricibiho-
pipabien di sumayoman Oscar y
Jessica, di su rumanan Jesse-
laine y Jesmiraine, di Mama y
Papa, di Tanchi y Greg, di su
primanan Jennelaine y Jenne-
viene, di su primito Jehnrick, di
wela, di welo, di Madú, di su su
padrino y madrina y demas-
famia Vrolijk, Maduro y Yarzaga-
ray, y tambe di su amiganan y
amigonan di Colegio EPI
HORECA, Culinary Arts.